

Headline	PPIM beri pokok percuma sempena Hari Bumi	Language	Malay
Date	20 Apr 2011	Page No	N6
MediaTitle	Sinar Harian	Article Size	284 cm²
Section	Nasional	Color	Full Color
Journalist	N/A	ADValue	1,562
Frequency	Daily	PRValue	4,686
Circ / Read	60,000 /		



PPIM beri pokok percuma sempena Hari Bumi

KUALA LUMPUR - Persatuan Pengguna Islam Malaysia (PPIM) mensasarkan lebih 100,000 pokok ditanam tahun ini bagi pemuliharaan alam sekitar sempena Hari Bumi yang berlangsung 22 April ini.

Penasihat Biro Warisan Alam Hijau, PPIM, Dr Yasmeen Mohamed berkata, selain itu juga ia bertujuan untuk memupuk kesedaran di kalangan generasi muda tentang kepentingan tumbuhan bagi kehidupan.

Menurutnya, bagi menjayakan program itu satu kerjasama dijalinan dengan Institut Penyelidikan Perhutanan Malaysia (FRIM), Kementerian Pelajaran dan Kementerian Pengajian Tinggi.

"Kami (PPIM) akan membekalkan benih pokok yang ditaja FRIM kepada mereka yang berminat termasuk di kepada pela-



● Tunku Azwil Tunku Abd Razak bersama Dr. Yasmeen Mohamed merasmikan laman web Biro Warisan Alam Hijau PPIM

jar sekolah dan universiti sekitar ibu kota.

"Ini adalah satu usaha PPIM dalam menangani masalah alam sekitar dan memupuk minat

orang ramai menanam pokok demi menyeimbangkan ekosistem dunia," katanya di Program Hari Bumi "yang bertemakan 1 Orang 1 Pokok anjuran Biro

Warisan Alam Hijau PPIM.

Turut hadir di majlis itu Penasihat PPIM Tunku Azwil Tunku Abd Razak.

PPIM juga melancarkan laman

sesawang Biro Warisan Alam Hijau PPIM di mana orang ramai boleh menjadi ahli bagi menjayakan program 1 Orang 1 Pokok.

Yasmeen berkata, hasil kajiannya sejak dua tahun lalu, terdapat 80,000 unit toksin berada di dalam udara setiap hari.

Menurutnya, pada masa sekarang jumlah itu semakin meningkat dan dianggarkan tidak kurang daripada 200,000 hingga 300,000 unit.

"Cara untuk mengatasinya adalah dengan menanam pokok kerana ia menyedut karbon dioksida dan mengeluarkan oksigen untuk manusia.

"Oleh itu, semua pihak perlu memainkan peranan mereka dan ia adalah penting dalam melaksanakan tanggungjawab ini demi kepentingan alam sekitar," katanya.